

# Powšitkowne WOZJEWJENJA

njedźelu, 11. decembra 2016

## **Biskop Timmerevers wopyta katolskich Serbow**

Drježdžansko-Mišnjanski biskop Heinrich Timmerevers přijědže srjedu, 14. decembra, do serbskich wosadow. Dopałdnja a popołdnu stej zetkani z duchownymi a zastupjerjemi serbskeho pastoralneho ruma planowaneje. Wječor w 19 hodž. změje biskop Timmerevers w Chróšćicach Božu mšu. Wšitcy wěriwi ze serbskich wosadow su wutrobnje přeprošeni. Kemšam přizamknje so zetkanje z biskopom na farje, na kotrymž móža so wšitcy wobdźělić a z biskopom Timmereversom tež porěčeć.

## **TCM – „Łužica pomha“ prosy wo dary za džěacy hospicny wotrjad**

Towarstwo Cyrila a Metoda z.t. (TCM) chce ze swojej lětušej pomocnej akciju „Łužica pomha“ hospicny dom we Vilnjusu w Litawskej podpěrać, w kotrymž ma so wotrjad za na smjerc chore džěci zarjadować. Dom bu před lětami z klósterskeje ruiny natwarjeny. W Serbach derje znaty farar Hans-Friedrich Fischer, kotryž wosebje w lětnich mėsacach w serbskich wosadach měšnikow zastupuje, so sobu wo financowanje hospicneho twara stara.

Džensa džěła w tutej hladarni 29 přistajenych (lěkarjo, hladarjo, domowy personal a zarjadnistwo), kotrychž wjace hač 30 ludži čestnohamtsce podpěra. W tutym hospicu – jeničkim po cyłej Litawskej – je tuchwilu 14 małych bydlenčkow za ludži, kotřiž su na raka schorjeli, a jich přiwuznych zarjadowanych. Před něšto mėsacami stej uniwersitna chorownja we Vilnjusu a Zwjazk katolskich žonow nawodnistwo hospica prosyłoj, zo by dom wo wotrjad za džesać na smjerc chorych džěci rozšěriło. Twarske kóšty za to wučinjeja něhdže milion eurow. Tuž prosy TCM wěriwych wo šćedriwe dary na konto Cyrill-Methodius-Verein e.V. IBAN DE 65 750 90 300 000 828 23 66, pod hesłom „Hospicny dom“. Štóz přeje sej darowansku kwitowanku, njech poda na přepokazance swoju dospołnu adresu.

*J. Špitank, předsyda TCM*

## **Hudźbny nyšpor**

W cyrkwi klóštra Marijineje hwězdy w Pančicach-Kukowje budže tutu njedźelu, 11. decembra, w 16.30 hodž. adwentny hudźbny nyšpor. Pišćelam da Wolfgang Skorupa zaklinčeć a Bettina Preusker zahraje na fleće. Přecělski kruh klóštra a rjadniske sotry wšitkich zajimcow wutrobnje přeprašuja.

## **Přiležnosć k swjatej spowědži w Róžeńće**

<b>sobotu, 17. decembra</b> 17.00 – 18.00 hodž.	farar M. Anders, farar Šć. Delan, farar T. Dawidowski, farar B. Jakubaš
<b>póndźelu, 19. decembra</b> 17.00 – 18.00 hodž.	farar G. Wornar, farar M. Anders, farar M. Nawka, farar J. Magiera
<b>wutoru, 20. decembra</b> 18.30 – 19.30 hodž.	farar M. Anders, farar M. Nawka, farar D. Dzikiewicz, farar St. Börner

## **Adwentny koncert**

Na swój tradicionelny adwentny koncert přeprošuje chór 1. serbskeje kulturneje brigady z.t. sobotu, 17. decembra, w 17 hodź. do Michałskeje cyrkwy w Budyšinje. Lětsa zaklinči „Česká mše vánoční“ (Česka hodowna mša) wuznamneho českeho komponista Jakuba Jana Ryby, kotraž so pola našich susodow tak rady spěwa kaž w Němskej „Hodowny oratorij“ J. S. Bacha. Z chórom 1. serbskeje kulturneje brigady zanjesu twórbu solisća-studenća Akademije muziskich wuměštwow z Prahi, Tereza Hořejšová (sopran), Petra Vondrová (alt), Ahmed Hedar (tenor), Jan Likař (bas), orchester Serbskeho ludoweho ansambla a Gina Hentsch na piščelach. Cyłkowny wuměški nawod změje Friedemann Böhme.

## **Paslenje hodownych darikow**

Dekanatne dušepastyrstwo přeprošuje šulerki a šulerjow 6. do 8. lětnika sobotu, 17. decembra, wot 9 do 14 hodź. na paslenje hodownych darikow do Don Boskoweho domu we Worklecach. Zajimcy njech so prošu hač do wutory, 13. decembra pod telefonowym čisłom (03 57 96) 8 87 07 we Worklecach přizjewja. Za wudawki zběra so na wobdźělnika přinošk we wysokosći džesać eurow.

## **Beneficny koncert za projekt w Africe**

Adwentny hudźbny nyšpor budže njedźelu, 18. decembra, w 14 hodź. w Chróšćicach. Jón wuhotuja spěwny kwartet a młodži hudźbnicy Chróšćanskeje wosady. Zběrka při durjach budže za zakładnu šulu franciskankow w Malawiju, kotruž su paduši spočatk oktobra nadpadnyli a wurubili. Serbowka Christina Pólkec, kotraž je hižo w léće 2012 w Malawiju přebywała, poda so bórže zaso do Afriki a chce pjenjezy tam wosobinsce přepodać. Wšitcy su wutrobnje do Chróšćic přeprošeni.

## **Koparski turněr wo pokal TCM**

Towarstwo Cyrila a Metoda z.t. (TCM) zarjadowuje sobotu, 7. januara, w 14.00 hodź. w Chróšćanskej „Jednoće“ halowy koparski turněr wo pokal TCM. Přeprošene su wosadne a wjesne mustwa młodžiny kaž tež mustwa sportowych jednotkow. Kóždy mustwo měło z wosom hrajerjemi nastupić. Hrać budže so z třomi koparjemi a wrotarjom. Přizjewić měli so mustwa hač do pjatka, 30. decembra, pola Guida Zahrodnika, telefonowe čisło (01 51) 52 22 17 59.

## **Pytaja hojenskeju hladarjow a kublarjow**

Marije Marćiny dom w Pančicach-Kukowje pyta wot hnydom dweju sobudźělačerjow z kwalifikaciju hojenskeho hladarja a kublarja (Heilerziehungspfleger). Jedne městno je wobmjezowane na 30 hodźin wob tydžeń, druhe na 20 hodźin. Džěłowy čas je w dwěmaj změnomaj. Wobě džěłowej městnje matej so jako zastupowanje w samodruhosći / maćerskim dowolu wobsadzić z opciju na krute přistajenje. Nadrobniše informacije dóstanu zajimcy pola nawodnicy domu Andreje Fiedler, telefonowe čisło (03 57 96) 9 94 91 abo 9 94 92. Swoje pisomne požadanje pak njech pósćelu na adresu Klóšter Marijina hwězda, Marije Marćiny dom, Čišinskeho 35 e, 01920 Pančicy-Kukow abo z mailku na mmh@st-marienstern.de.